

TERTIA RHENI TABVLA.

Continet tabula ista Brabantiam cuius termini sunt ab oriente Mosa fluuius, ab occidente Scalda fluuius & Hannonia; Holandia à septent. & comitatus Namurci à meridie. Inter Rhenum & Mosam comprehenduntur ducatus Cleuensis, ducatus Geldria, ducatus Iuliacensis & ducatus Limpurgensis. Ducatus Limpurgensis ab Henricis imperatoribus erectus cito defecit, additusq; est ducatu Geldria. Anno uero millesimo ducentesimo nonagesimo tertio captus dux Geldria in bello à duce Brabantia, pro sui liberatione magnam partem de ducatu Limpurgensi dedit duci Brabantia. Comitatus Geldria initium sumpsit anno salutis 935. Postea anno Christi 1329. factus est ducatus per imperatorem Ludouicum. Quo anno & comitatus Iuliacensis dicitur factus marchionatus, ac deinde post triginta annos, erectus ad ducatum. Ducatus uero Bergensis seu Montensis primum fuit comitatus, ac deinde factus est marchionatus per Carolum quartum, cuius filius Ventzeslaus paulo post marchionatum sublimauit in ducatum. Metropolis illius ducatus dicitur esse Deuselperg, è regione Geldria situm habens. Dominium Cleuense in concilio Constantiensi, anno scilicet Christi 1417. surrexit in ducatum. Ducatus Brabantie successiue multos & uarios habuit dominos. Ab initio fuit sub duce Lotharingia. Deinde anno Christi 1106. Henricus quintus tradidit illum dominis de Louanio. Et cum illorum posteritas quoq; deficeret, rursus peruenit ad Lotharingios. Cumq; dux Iohannes anno Christi 1355. sine uirili semine decederet, filia eius Iohanna ducto marito, Vuenceslao Bohemo, illoq; mortuo, ducatu praefuit 22. annis, post cuius obitum, sororis suae nepos nempe Antonius, Philippi ducis Burgundia filius, propinquior heres successit in ducatu. Et cum is quoq; sine uirili semine hinc migraret, fratris sui Iohannis ducis Burgundia filius Philippus nomine, factus est dux Brabantia, anno scilicet 1434. Subiugauit & Holandiam atq; Selandiam dominio suo. Huic successit Carolus filius eius Burgundia dux, cuius filiam Mariam Maximilianus imperator duxit uxorem, factusq; est per eam dux Burgundia, dux Brabantia, comes Holandia & Selandia, &c.

Locorum quorundam huius tabule interpretatio.

Colonia agrippina	Côln	Traiectum superius	Mastrich
Aquisgranum	Ach	Traiectum inferius	Vtrecht
Iuliacum	Gülch	Mechlinia	Mechel
Leodium	Lutich	Antuuerpia	Antorff Antwerp
Hannonia	Hennengow	Louanium	Lôuen
Nouiomagum	Newmegen	Bruxella	Brüssel
Tongari	Tongerren		